

蒲城縣志

卷一三三

地 1701211  
31  
:4-6

乾隆辛丑重修

蒲城縣志


本衙藏板








縣治圖




蒲城縣志卷一

四



學宮圖




蒲城縣志卷一

五




長圖



蒲城縣志卷二


六



五陵閑雲



蒲城縣志卷一



蒲城縣志

原序

縣志修於順治庚寅至今十有七年矣山川土田如故也其間宦蹟之更遞人文之進縮天時之豐歉風俗之轉移月異而歲不同職有槩於中久矣然未遑也會關門狄老大人有輯九屬郡邑志之舉檄取志書爲藍本如昔五代各有史一經歐陽文忠公之手筆遂可繼史漢而膾炙千古但缺畧不備何以供筆削之資乎於是商之李雲伯先生搜集補綴梓成全書蓋以前志出生手依例取義不必更起鑪作竈也詩云雖無老成人

蒲城縣志序

尚有典刑況老成人具在其所表著當必有爲後人觀模者而職三年間焦心極慮兢兢爲地方圖安全宏化理之苦衷亦或可因是以呈現其梗槩然則茲集之刻所以應檄命也不敢以徵文考獻自詡倘後之人緣是而承接之則職繼往開來之任其亦何能已已

大清康熙丙午黃鐘之吉

賜進士第文林郎知蒲城縣事楚攸鄧永芳題

聞之蒲父老言城自創起以來雖屢更代未遭破殘故  
煙火市集舍廬器具眎他郡邑稱最己丑之變叛黨竊  
據其時諸大家右族見幾明作而市井者流貪圖營生  
不克遠念者尚逾萬人城破戮擄畧盡千年積聚一朝  
蕩然余不幸承乏其後入城見門扉盡扃衢巷掃跡至  
夜鷄犬無聲且山魃怒嘯環城堡砦告劫者無虛日余  
乃殫力拮据延諸紳衿諮度之爲之繕完城郭修整捍  
禦建立驛遞召募徒役一切政治刪繁苛務寬簡安輯  
諸氓庶歸而復業凡百爲如闢草昧漸且計殲渠魁唐

蒲城縣志序

二

威黨與解散盜戢民寧年餘始霍然有起色矣猶可幸  
者豁除拋荒糧萬四千有奇各納戶得力辦已糧不至  
牽連爲里甲累所以比限不俟鞭笞而余不佞得藉手  
以如期報竣不獲譴獨是兵屠盜劫附郭田及鄉之町  
疇以新荒告者幾二千石余力爲申請尚未

題蠲慮將來民累匪細甚惓惓也公餘訪求邑乘附載卷  
末冀得達之

當宁以見損上益下曰益之意僉曰兵燹之餘片楮隻字  
不存矣余聞之憮然曰邑令宰百里猶古錫之山川土  
田之遺也山川不可考土田不可稽其將何以昭職守

清城縣志目錄

卷一

圖攷

卷二

地理一

形勢 陵墓

封城 寺觀

沿革 古蹟 山川 八景

卷三

地理二

風俗

物產

卷四

建置

城池

卷五

清城縣志目錄

經制

田賦

卷六

職官

縣令 教諭

訓導 縣丞

主簿 把總

巡檢 外委

典史

卷七

選舉

諸科

進士

卷八

選舉

鄉科

貢士

卷九

人物一

孝義

忠節

賢臣

儒術

卷十

人物二 列女

卷十一

人物三 列女

卷十二

人物四 列女 附貞壽

卷十三

藝文一

卷十四

藝文二

卷十五

蒲城縣志目錄

二

藝文三 詩

蒲城縣志目錄終

志序

余以己卯歲受知於宮詹嘉定錢竹汀先生時公方修輯元史每向余言方志之難難于史志蓋史志務在簡該方志務在詳核一事不舉將有絀漏之弊又言之者無過而聞之者足以考驗得失實爲撫民出治之龜鑑宋時方志有范成大吳郡志施宿會稽志羅愿新安志皆不下數十卷唯潛說友臨安志卷帙益繁而惑于釋氏果報之說采錄多妄且爲賈氏私人其書雖傳而不足以取信陝志明有韓邦靖朝邑志康海武功志孫丕揚富平志並卓然有名當世然又意在工文而稽古或略夫山川宮室邱墓碑

序

銘鄜道元猶以之考証古今水道寧紀一方土地而置之弗論是則語焉不詳與擇焉不精其病相等又何足以供輜軒之採歟蒲邑在漢爲重泉蓮芍二縣地洛白二水之所經魏隋以來久爲赤邑唐則陵寢所在並置所衝府五其故址在賢相懷仁崇德善德溫塘諸里之間今鄉保戶口甲于馮翊人文日出甲科漸多而

國家惟正之供亦于是稱最是非因陋就簡僅一隅之地者可比余以己亥歲奉憲檄改調斯邑閱今三載數習是方風土幸不爲輿情所鄙暇日稽考舊志自康熙某年以後司土者未遑編輯邑之賢士大夫深慮文獻缺略無以資

考証而守官於是者苟欲諮悉典故灼見人情風會之殊  
其道無由余用是以修志爲已任因公事至會城謁大  
中丞弁山畢公以是爲請公曰此賢有司之責也適同  
年友長洲吳舍人竹嶼來主關中書院晨夕過從相與商  
確古今具藁是正多所增益凡若干卷夫不考古不足以  
言今不論人不足以言政今所志自地理沿革以及古蹟  
人物舊章新制之班班可考者犁然具備雖未敢云簡而  
有法然而取材慎擇凡禪官野乘近於譎言勦說者無敢  
雜焉詳而不流於冗核而不失於正庶其無忝我師之教  
歟他日繼余後者按籍以稽而興利除弊之政舉而措之

序

二

裕如矣書成將藁而刻之爰記其歲月以爲緣起云時

大清乾隆四十七年辛丑孟夏知蒲城縣事萊陽張心鏡撰

他如建置沿革政蹟得失人物臧否文章盛衰又何問焉今當絕續之交失此不爲後恐久而彌湮也時雲伯李年臺以先朝制科棲遲林泉日以繙閱爲事乃敦託之搜究遺編三月藁脫云視昔逸亡過半余受讀之見其簡而核約而能該或多逸亡意不關短長之數也以是斟酌裁定余不佞敢多讓焉書成爰鳩工授之梓

大清順治庚寅長至日

賜進士第知蒲城縣事都門張舜舉題

舊志序

予讀王制有曰凡居民材必因天地寒煖燥濕廣谷大川異制民生其間者異俗器械異制衣服異宜修其教不易其俗齊其政不易其宜知天下郡邑之有志其作蓋由於此乎蒲城縣志凡十篇儒學教諭徐子所創編也歷春秋戰國迄於國朝凡二千餘年一方故迹亦略可見矣志旣成徐子以示予且請序諸首夫志之爲言識也蓋郡縣有沿革物產有饒乏人事有得失識之以備考稽均貢食昭鑒戒述往事以告後之人而所謂修教齊政之事所由得也是志所載天文地理人事皆有

蒲城縣志序

四

焉予取其人之有關於世教者言之泄官如張戩孝子如趙玉烈婦如姜溢妻其休聲懿聞百世之後聞之者可以興起此志之所以不容已也嗚呼是非定而鑒戒明鑒戒明而取舍得後之人觀乎善者而不知勸觀乎惡者而不知戒則亦非人類矣嘉靖丁酉萬斛山人楊爵題